



AXUDAS PARA A ADQUISICIÓN DE LIBROS DE TEXTO E MATERIAL ESCOLAR 2020-21 (RESUMO)

- O Programa de xestión pola que se regula a participación no **fondo solidario** (préstamo) de libros de texto e se convocan **axudas** para a adquisición de **Libros de Texto** e **Material Escolar** destinados ao Alumnado matriculado en Educación Primaria e Educación Secundaria Obrigatoria, faise ao abeiro da Orde do **12 de maio de 2020** (DOG 96 do 19/5/2020).
- As axudas están destinadas ao alumnado de familias cunha Renda per cápita igual ou inferior a 10.000€.
- Presentarase unha única solicitude para todos os fillos matriculados no mesmo centro.
- O alumnado ten a obriga de **conservar en bo estado os libros de texto** recibidos a través do fondo solidario, así como **devolverlos**, ao rematar o curso escolar 2020-2021 (xuño), agás o alumnado de 1º e 2º de Primaria.
- A contía da axuda para adquirir libros de texto en 1º e 2º de EP será de 210€ (rendas per cápita familiares iguais ou inferiores a 6.000€) ou de 140€ (rendas entre 6.000 e 10.000€).
- O alumnado con discapacidade igual ou superior ao 65% ou aquel con necesidades específicas de apoio educativo (NEAE), que, a xuízo do centro docente, non poida usar os libros de texto ou o material dixital do curso no que estea matriculado e non existan libros axeitados no fondo solidario en ningún curso, o centro expediralle un vale, co que poderá adquirir libros ou material didáctico e complementario específico que o centro docente determine. Os vales poderán ir dende os 140€ ata os 240€, dependendo dos ingresos e do nivel educativo.
- O alumnado beneficiario do fondo solidario neste curso 2019-2020ederá entregar os libros no centro **antes do 7/7/2020**. O alumnado da ESO que deba presentarse á convocatoria de setembro, poderá devolver os libros das materias para as que se examine unha vez feitos os exames de recuperación, e sempre antes do **7/9/2020**.
- A contía da **axuda para adquirir material escolar** destinado ao alumnado matriculado en EP e en ESO con renda per cápita familiar igual ou inferior a 6.000 € será de 50 €.
- As Solicitudes, segundo o Anexo I e II da Orde, presentaranse no colexio ata o **19/6/2020** (é preferible facelo no correo electrónico do centro: **cpr.loyola@edu.xunta.es**), ou ben pode facerse na Sede Electrónica da Xunta de Galicia ata esa data.
- Os Anexos pódense conseguir:
 - No colexio. As familias poderán achegarse a recollelos (con cita previa).
 - Nos enderezos electrónicos: <https://sede.xunta.es> ou <http://www.edu.xunta.es/fondolibros>.
 - Na páxina web do colexio: <http://www.cprloyola.com/>

➤ Documentación que se deberá de presentar:

- ANEXO I debidamente cuberto.

- DOCUMENTACIÓN COMPLEMENTARIA:

Para o alumnado de EP e ESO

a) **ANEXO II** para a comprobación de datos dos membros computables da unidade familiar. **No caso de que a persoa solicitante e/ou os membros computables se opoñan a esta consulta**, deberán indicalo no cadro correspondente, ademais de achegar os documentos xustificativos:

- DNI ou NIE
- Declaración do imposto sobre as persoas físicas ou, a falta deste, o certificado de tributación de imputacións no exercicio 2018.
- Certificado do grao de discapacidade recoñecido pola Xunta de Galicia.
- Percepción de pensión por incapacidade permanente total, absoluta ou gran invalidez, ou de pensión de clases pasivas por xubilación ou retiro por incapacidade permanente para o servizo ou inutilidade (equivalente a unha discapacidade igual ao 33%)

b) **Copia do libro de familia** onde figuren todos os membros computables. Nos casos en que non teñan libro de familia ou este non reflecta a situación a 31 de decembro do 2017, poderán acreditar o número de membros utilizando, por exemplo:

1º. Sentenza xudicial de separación ou divorcio ou, de ser o caso, convenio regulador onde conste a atribución da custodia

2º. Certificado ou volante de convivencia.

3º. Informe dos servizos sociais ou do órgano equivalente do concello onde resida a familia.

c) Certificado acreditativo do **grao de discapacidade**, se fose o caso, recoñecido por un órgano que non pertenza á Xunta de Galicia.

d) **Violencia de xénero**: Acreditarase en calquera das formas que enumera o artigo 5 da Lei 11/2007, do 27 de xullo, galega para a prevención e o tratamento integral da violencia de xénero.

e) Resolución xudicial de **incapacitación** con patria potestade prorrogada ou rehabilitada, no caso que corresponda.

f) Resolución administrativa ou xudicial acreditativa da situación de acollemento ou certificado do centro de menores para o **alumnado en situación de tutela ou garda da Xunta de Galicia**.

g) Certificado de convivencia, volante de convivencia ou informe dos servizos sociais ou do órgano equivalente do concello onde resida a familia, **no caso de que o pai e a nai ou titor e titores carezan de DNI e NIE**.

En todo caso, os documentos deberán ser válidos e eficaces no momento da súa presentación, e **reflectir a situación persoal, familiar e económica a 31 de decembro do 2018**, agás no caso de violencia de xénero, en que se aplicará o disposto na lexislación específica.

➤ Máis información: * <http://www.edu.xunta.es>

* Teléfonos: 981 470 265/ 981 470 229 / 648 204 115 (teléfono e WhatsApp)

* A RENTA PER CÁPITA OBTENSE SUMANDO OS RECADROS **435** E **460** DA DECLARACIÓN DO **IRPF DO ANO 2018** DE TODOS OS DECLARANTES DIVIDIDO ENTRE O NÚMERO DE MEMBROS DA UNIDADE FAMILIAR A DATA DO **31 DE DECEMBRO DE 2018**.